



**Jens-Frederik Nielsen, Inatsisartunut ilaasortaq
Demokraatit**

Biiliniq eqqussuinerimi akitsuutit pillugit § 37 napertorlugu apeqquut nr. 49/2022

Allakkat ulluat: 07-03-2022
Suliap normua 2022 - 5636

Inatsisartut suleriaasianni § 37, imm. 1 naapertorlugu biiliniq assigiinngitsunik eqqussuinerimi akitsuutit pillugit apeqquutit matuma kinguliani allassimasut saqqummiuppatit.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. Biilit attortortittakkat nunatsinnut eqqunerneranni akitsuutaat piissagaluarpat nunatta karsianut qanoq akeqassava?**
 - a. Naalakkersuisut suliniutiginiarpaat?**

Akissut:

Qamutit motorillit Kaallit Nunaannut eqqunneqarneranni siunertamut sumut atorneqarnissaat pillugu maanna nalunaarsuisoqarneq ajorpoq. Taamaattumik qamutit motorillit biilitut attartortittakkatut atugassanngorlugit eqqunneqarnersut pillugu nalunaarsuisoqarneq ajorpoq. Taamaattumik iluanaarutinit annaaneqarsinnaasut missingerneqarnissaannut tunngavissat pigineqartut tunngavigalugit periarfissaqanngilaq.

Qamutit motorillit sumut atorneqarnerat pillugu nalunaarsuisarneq allanngortinneqarpat tamanna allaffissornikkut aningaasartuutit amerlinerannik pissusissamisoortumik nassataqassaaq.

Akissut 1.a

Inuussutissarsiutinik ingerlataqartut, tassunga ilanngullugit suliffeqarfiit attartortitsisartut, taxartitsisut taxarnermut ingerlatseqatigiiffiit assigisaallu tamarmik qamutiniq motorilinnik ingerlatsinermut aserfallatsaaliinermullu aningaasartuutiminnut ullumikkut akileraarutitigut ilanngaaffigineqartarput.

Tamatuma saniatigut malittarisassat malinneqanngitsoorneqarsinnaanerannik sunniuteqarluartumik nakkutilliinermik qulakkeerneqarniarnerata ajornakusuungaatsiarnissaa naatsorsuutigineqarpoq. Tassunga ilanngullugu biilit attartortitsinermut siunertalimmik pinnani allanut tamakkiisumik ilaannakortumilluunniit atorneqannginnissaat, aamma biilit allanut atorneqalernerini akitsuutiniq eqqortunik akiliisitsiniartarnissaq eqqarsaatigalugit.

Naalakkersuisut suliassaqarfimmi tamatumani immikkut aaqquissuussinernik pisariusunik atuutsitsilernissaq qanittumi pilersaarutiginnilaat. Naalakkersuisut akileraartarnikkut iluarsaaqqinnissamik pilersaarutaanni ilaavoq, inuussutissarsiornermik ingerlataqartut ataatsimut isigalugu akileraartarnikkut atugarisaat taakkununga aamma ilanngunneqassasut. Suliniutit nalinginnaanerusut taamaattuni suliffeqarfiit biiliniq attartortitsisarnermik suliqaartut ilaatinneqarnissaat aamma naatsorsuutigineqarpoq.

- 2. Biilit attartortakkat inuussutissarsiornermut angallassissutitut atugassat allat soorlu bussit angallassissutillu 4 tons sinnerlugit oqimaassusillit, ukiumut aalajangersimasumik 50.000 koruuninilimmik akitsuutillit naligalugit inississagalarpata nunatta karsianut qanoq akeqassagalarpa?**
- a. Naalackersuisut suliniutiginiarpaat?**

Akissut:

Apeqqutinut 1 aamma 1.a-mut akissut takuuk.

- 3. Taxa-t eqqussinermut akitsuutaanik peersissagalarutta nunatta karsianut qanoq akeqassava?**
- a. Naalackersuisut suliniutiginiarnerlugu?**

Akissut :

Aallarniutigalugu apeqqut 1-imut akissut takuuk.

Qamutit motorillit angallassissutitut atugassat nakkutigineqartut kisimik ullumikkut nalunaarsorneqartarput. Tamanna taakku nakkutilliissutitalereerlugit eqqunnerisigut imaluunniit eqqunneqarnerisa kingorna nakkutilliissutitalernerisigut pisarpoq. Biilit angallassissutitut atugassat nakkutilliissutitaqarpata eqqussuinermit akitsuutit 50%-iannik unitsitsigallarnissamik qinnuteqartoqarsinnaavoq, nioqqutissanik eqqussuinermit akitsuutit pillugit Inatsisartut inatsisaanni nr. 19, 30. oktober 1992-imeersumi § 1, imm. 1 nr. 26, litra a takuuk. Akileraartarnermut Aqutsisoqarfiup 2017-imit 2021-mut qamutinik eqqussuinermit akitsuummik unitsitsivigineqarallarsimasut 24-t nalunaarsorsimavai, taakku ukiumut agguaqatigiissillugu qamutit motorillit tallimat missaannut naapertuupput. Tamannali biilit angallassissutit amerlassusiannut tamakkiisumik takussutissiingilaq. Tamatumunnga pissutaasoq tassaavoq qamutinik angallassissutinik piginnittup aqqqussuussinermik taassuminnga atuerusunnerluni nammineq aalajangersinnaammagu.

Suliassaqarfimmi tamatumani sunniuteqarluartumik nakkutilliinissap qulakkeerneqarniarnera ajornakusoortuusoq ukiut ingerlanerini paasineqarpoq. Tamatumani ilaatigut pissutaalluni nakkutilliissutinik ikkussuinissami, aserfallatsaaliinissami nakkutilliinissamilu teknikikkut ilisimasaqarnissaq pisariaqarmat. Tamatuma saniatigut biilit allanut atorneqarneranni akitsuutinik akiliisitsiniartarnejq ajornaatsoqarpoq.

Tamatuma peqatigisaanik ilaatigut Nuummi qamutinik angallassissutinik hybrid-plugininik arlalinnik peqarpoq. Taamaattuunertik pissutigalugu nioqqutissanik eqqussuinermit akitsuuteqartinneqarnejq ajorput.

Akissut 3.a

Qamutinik angallassissutinik eqqussuinermit akitsuuteqartitsinnginneq nunatta karsiata iluanaarutaanut annaasaqaataassaaq. Akileraartarnermut Aqutsisoqarfiup Kalaallit Nunaanni qamutit angallassissutit katillugit amerlassusiat ilisimangimmagu, iluanaarutinit annaasaqaataasussat annertussuserisinnaasaat Aqutsisoqarfimmit missingerneqanngilaq.

Akitsuuteqartitsinnginneq nakkutilliinermut aqutsinermullu allaffissornikkut aningaasartuutit amerlinerannik nassataqassaaq.

Tamatuma saniatigut apeqquut 1.a-mut akissut takuuk.

- 4. Taxa-t inuussutissarsiornermut angallassissutitut atugassat allat soorlu bussit angallassissutillu 4 tons sinnerlugit oqimaassusillit, ukiumut aalajangersimasumik 50.000 koruunilimmik akitsuutillit naligalugit inississagaluarpata nunatta karsianut qanoq akeqassagaluarpa?**
- a. Naalackersuisut tamanna suliniutiginiarnerlugu?**

Apeqqutinut 3 aamma 3.a-mut akissut takuuk.

- 5. Biilit ingerlassissutit 4 tons ataallugu oqimaassusillit inuussutissarsiornermut angallassissutitut atugassat allat soorlu bussit angallassissutillu 4 tons sinnerlugit oqimaassusillit, ukiumut aalajangersimasumik 50.000 koruunilimmik akitsuutillit naligalugit inississagaluarpata nunatta karsianut qanoq akeqassagaluarpa?**
- a. Naalackersuisut tamanna suliniutiginiarnerlugu?**

Akissut:

2019-imit 2021-mut biilit ingerlassissutit 4 tons ataallugu oqimaassusillit agguaqatigiissillugu ukiumoortumik 82-it eqqunneqarput. Tamatuma nassatarisaanik qamutit motorillit taakkuusunit nioqqutissanik eqqussuinermit akitsuutinit iluanaarutit ukiumut agguaqatigiissillugu 8,3 mio. kr.-t missaanniippat. Qamutinut motorilinnut taakkununga nioqqutissanik eqqussuinermit akitsuut 50.000 kr.-nut aalajangersimasunngorlugu allannguineq, siunissami nioqqutissanik eqqussuisarnerup ilusaanik allannguissangatinneqanngippat, nunatta karsiata ukiumoortumik iluanaarutai 4,1 mio. kr.-nut ikileriasappat. Taamaattumik nunatta karsiata ukiumoortumik iluanaarutissatut annaasai 4,2 mio. kr.-nut missingerneqarput.

Aamma takuuk apeqquut 1 aamma 1.a-mut akissut.

- 6. Naalackersuisut pineqartumut allanik paasissutissiisinaanerlutik?**

Akissut:

Naamik.

Inussiarnersumik inuulluaqqusillunga


Naaja H. Nathanielsen